

古

今

譚

槩

非族部第三十五目錄

南海異事三條

蜜唧唧

產翁

土獠蠻俗

倭國

占城

頭飛

計二條

吐蕃

契丹

計三條

夷婦

韃韃

渾脫

種羊

回鶻

木乃尹

大食國木花

古莽

白狼國

裸人

大宛

女國

金齒蠻

麻逸

吐火羅

暹羅

乾沐

羅羅

瓜哇

大耳國

聶耳國

辰韓

鵠國

勒畢

小人

大人

長人

長布巾長衣

無君民綠民細民

合塗國

黃龍

鹽龍

龍鱗

大鵬

計二條

海鵬

海龜

海大魚

計五條

鱗魚

漢泉井中魚

奔鱗

鮫魚納魚

人魚

鮪魚

橫公魚

墨市

在此

蟹

千侯入蛇腹

神蛇

噴嚏驚虎

荆溪三虎

甯虎

大蝶大蜈蚣

狒狒

訛獸

貌

山獺

躲破鼓

非族部

子猶曰。學者少所見。多所怪。窮髮之國。穴胸反趾。獨臂兩舌。殊風異尚。怪怪奇奇。見於紀載者侈矣。不聞此。不知天地之大。不聞此。不知中國之尊。予特採其尤可駭笑者著焉。而附以蛇虎之屬。若曰夷狄禽獸云爾。是爲非族第三十五。

○南海異事三條

南海男子女人皆鑷髮。每沐以灰投流水中。就水以沐。以糞膏塗其髮。至五六月。稻禾熟。民盡髡。鬻於市。旣髡。

復取屍膏塗之。來歲五六月又可鬻。

解牛多女人，謂之屠婆、屠娘，皆縛牛於大木，執刀數其罪。某時牽若耕，不得前。某時乘若渡水，不得行。今何以免死耶？以策舉頭，揮刀斬之。

貧民妻方孕，則詣富室指腹以賣之。俗謂指腹賣。或已子未勝衣，鄰之子稍可賣，往貸以鬻。折杖以識其短長。候已子長與杖等，卽償貸者。鬻男女如糞壤，父子兩不戚戚。

○蜜唧唧

右江西南多獠民，好爲蜜唧唧。鼠胎未瞬，通身赤蠕者，漬之以蜜，置盤中，猶嘖嘖而行，以筋扶取咬之，唧唧作聲，故曰蜜唧唧。

吳人以酒噴蟛蜞食之，或入酒未深者，纔舉筋皆走出盤外，此與蜜唧唧何異。

○產翁

南楚新聞云，南方有獠婦生子，便起，其夫臥牀，飲食皆如乳婦，稍不衛護，疾亦如之，其妻了無所苦，炊爨樵蘇自若，又越俗，妻誕子，經三日，便澡身於溪河，返具康。

餉塔塔擁余抱雛坐於寢榻稱爲產翁其顛倒如此。

○土獠蠻俗

土獠蠻俗男子十四五則左右擊去兩齒然後婚娶無匙筋手搏飯而食之足躡高橋上下山坡如奔鹿人死以棺木盛之置千仞巖之上以先墮者爲吉。

○倭國

北史云倭國王以天爲兄以日爲弟未明時出聽政日出便停理務日委我弟。

○占城

占城國釀酒法、以米和藥入甕中、封固日久、俟糟生蛆
爲佳醞、他日開封、用長節竹筴三四尺、插入糟甕量人
多少入水、以次吸竹、則酒入口、吸盡再入水、若無味則
止、有味封甕再飲、歲時、縱人採生人膽鬻官、其會或部
領得膽入酒中、與家人同飲、又以浴身、謂之通身是膽。

○頭飛

占城國婦人有頭飛者、夜飛食人糞、夫知而固封其項、
或移其身、則死矣、陳剛中在安南、有紀事詩曰、鼻飲如

甕、頭飛似蠅。

蘇蟲集載老撾國人
鼻飲水漿、頭飛食魚。

嶺南溪洞中，往往有飛頭者，故有飛頭獠子之號。頭將飛一日前，頸有痕匝項，如紅縷，妻子遂看守之。其人及夜，狀如病，頭忽生翼，脫身而去，乃於岬泥尋蟹蚓之類食之，將曉飛還如夢覺，其腹實矣。

吳時將軍朱桓有婢，每夜臥後，頭輒飛去，或從狗竄，或從天牕中出入，以耳爲翼，將曉復還，數數如此，傍人怪之。夜視，惟有身無頭，其體微冷，乃蒙之以被，至曉頭還，礙被不得安，再三墮地，而其體氣急疾，若將死者，乃去被頭復起，附如常人焉。

○吐蕃

唐貞元中，王師大破吐蕃於青海，臨陣殺吐蕃大兵馬，使乞藏遮，或云是尚結贊，吐蕃乃收屍歸，有百餘人行，哭隨屍，威儀絕異，使一人立屍旁代語，問以瘡疾痛乎，代應曰痛，卽膏藥塗之，又問食乎，應曰食，卽爲具食，又問衣乎，應曰衣，卽命裹衣之，又問歸乎，應曰歸，卽具輿馬載屍而去，若此異禮，必國之貴臣也。

○契丹

契丹俗，每正月十三日，放國人爲賊三日，惟不許盜及

十貫以上，北呼爲鷓里。華言儉時也。

諺云：禽獸淫，無恥而有節；人淫，有恥而無節。余亦云：虜儉不禁而有時，中國儉禁而無時。

契丹牛馬有熟時，如南方之養蠶也。有雪而露草寸許，牛馬大熟；若無雪，或雪沒草，則不熟。

契丹主至臨城，得疾，至殺胡林而卒。國人剖其腹，實鹽數斗，載之北去。晉人謂之帝堯。

○夷婦

蕭岳峰夷俗記：夷婦乳長垂至腹下，時當刺繡，見輒從。

腋後索而食之

○鞵鞵

鞵鞵腸極細如猪腸人身瘦長而闊膀不畏死得勝則唱敗則哭鞵婦至中國人戲弄其乳則喜以爲是其子也至隱處亦不爲意惟執其手則怒謂執手爲夫婦動挾刃刺其人

○渾脫

北人殺小牛自脊上開一孔遂旋取去內頭骨肉外皮皆完揉軟用以盛乳酪酒漚謂之渾脫

○種羊

大漢遠西人能種羊、取羊骨、以初冬未日埋地中、初春未日爲吹笳呪語、即有小羊從地中出、中國有種蚶種龍法、種羊未是鑿空。

○回鶻

回鶻會長共爲一堂、塑佛像其中、每齋必剖羊、以指染血塗於佛口、或捧其足而呵之、謂之親敬。

○木乃尹

回回地面、有年老自願捨身濟衆者、乃澡身絕食、日噴

蜂蜜數月便溺皆蜜矣。既死，國人殮以石，槩仍以滿蜜浸之。錫志年月，俟百年啓視之，則已成蜜劑，名曰木乃尹。人有損折肢體者，食少許立效。見博物志補。

○大食國木花

大食國西南二千里外，山谷間有木，生花如人首，與語輒笑，則落。

○古莽

古莽之國，其人多眠，五旬一覺，以夢之所爲爲實，晝之所見爲虛。

○白狼國

西夷有白狼國者，依山以居，壘石爲室，如浮圖然，以梯上下，貨藏於上，人居於中，畜園於下，見綱目。

○裸人

天寶實錄云，日南廐山連接，不知幾千里，裸人所居，白民之後也，刺其胸前作花，有物如粉而紫色，畫其兩目下，去前二齒以爲美飾。

○大宛

大宛國人皆深目，多鬚髯，善賈市，學分銖，貴女子，女子

所言丈夫乃決正

○女國

女國在慈嶺之南其俗婦人輕丈夫而性不妒忌男女皆以彩色塗面一日之中或數度變改之人皆被髮見隋書

○金齒蠻

金齒蠻俗處女淫亂同狗彘未嫁而死者所通之男子持一幡相送有至百人者父母哭曰女愛者衆何期夭逝

○麻達

麻達國，族尚節義，夫死，其婦削髮絕食，與夫屍同寢，多與並逝者，逾七日不死，則親戚勸以飲食。

○吐火羅

吐火羅國，都蔥嶺西五百里，與挹怛雜居，都城方二里，勝兵者十萬人，皆習戰，其俗奉佛，兄弟同一妻，迭寢焉，每一人入房，戶外挂其衣，以爲志，生子屬其長兄。

○暹羅

暹羅國，婚姻先請僧迎，男子至女家，僧取童女喜紅點。

於男子額名曰利市。然後成親。過三日後。又請僧送女歸男家。則置酒張樂待賓。喪禮凡富貴人死。用水銀灌腹而葬。平人則昇至郊外海邊沙際。爲鳥所食。食盡飛去。餘骨號泣棄海中。謂之鳥葬。

○骸沐

越東有骸沐國。長子生。則解而食之。謂之宜翁。父死。則負其母而棄之。言鬼妻不可與共居。楚之南。炎人之國。其親戚死。剝其肉而棄之。然後埋其骨。乃成孝子。秦之西。有義渠之國。其親戚死。聚柴焚之。薰其煙上騰。謂之

登霞然後爲孝見墨子

○羅羅

羅羅

卽鳥

俗尚男巫號曰大奚婆以雞骨占吉凶事無

巨細皆決焉凡娶婦必先與大奚通次則諸房兄弟皆喜之然後成婚謂之和睦夫婦之禮晝不相見夜則同寢生兒未十歲不得見父曾長死以豹皮裹屍焚之葬其骨於山非至親莫知其處葬畢用七寶偶人藏之高樓盜取鄰境貴人之首以祭如不得終不祭祀

○瓜哇

瓜哇國凡主翁死、殯之日、妻妾奴婢皆帶草花滿頭、披五色手巾、隨屍至海邊、或野地、昇屍俾衆犬食、食盡爲好食不盡、則悲歌泣號、積柴於傍、衆婦坐其上、良久、縱火燒柴而死、蓋殉葬之禮也。

○大耳國

山海經有大耳國、其人寢、常以一耳爲席、一耳爲衾、暑月又可作扇、以玄德方之、眇乎小矣。

○聶耳國

聶耳國、其人與獸相類、在無腹國東、其人虎文、耳長過

腰手捧耳而行

○辰韓

辰韓國見生以石壓其頭欲其扁今辰韓人皆扁頭見
魏志

○鵠國

陳羣與齊桓論云西海之外有鵠國男女皆長七寸爲
人自然有禮好拜跪壽皆三百歲其行如飛日行千里
百物不敢犯惟畏海鵠海鵠過輒吞之亦壽三百歲此
人在海鵠腹中不死而鵠亦飛千里

○勸畢

勸畢國人長三寸、有翼、善言語戲笑、因名語國。

陳玄錫曰、傳云、僬僥三尺、短之至也、假令僬僥而適、勸畢必且詫爲臨洮長人矣。

○小人

西北荒中有小人焉、長一寸、朱衣玄冠、乘輶車、導引有威儀、人遇其乘車、竝食之、其味辛楚、終不爲蟲豸所咋、竝識萬物名字、殺腹中三蟲。

○大人

咸熙二年、有大人見於襄武、身長二丈、腳跡三尺二寸、符堅時、河中得一大展、長七尺三寸、又有桃核、可容五斗、

○長人

成化辛丑、蘇州衛軍人數十泛海、遭風、飄至一島、人皆長三四丈、以藤穿我一人於樹間、其人逸出、至海邊、忽前舟返、載之、而長人追至、船已離岬、從岬上用手挽、船人劔截其一指、辨之、乃中指一節、以尺度之、尺有四寸、遇嘉定、令取視、置庫中、

○長布巾長衣

蘇州府志云、有直指使詣學官、大風吹下一布巾、橫直皆丈餘、以貯郡庫、又某年海上浮一夜來、長二丈、兩袖倍之

○無啓民錄民細民

無啓民、居穴食土、其人死、其心不朽、埋之、百年化爲人、錄民、膝不朽、埋之、百二十年化爲人、細民、肝不朽、埋之、八年化爲人

○含塗國

含塗國貢其珍怪，其使云：去王都七萬里，鳥獸皆能言語，雞犬死者埋之不朽，經歷數世，其家人遊於山河海濱，地中聞雞犬鳴吠，主乃捭取還家養之，毛羽雖禿落更生，久乃悅澤。

○ ○ 賣龍

秦使者甘宗所奏西域事云：外國方士能神呪者，臨川禹步吹氣，龍即浮出，初出乃長數十丈，方士吹之，一吹則龍輒一縮，至長數寸，乃取置壺中，以少水養之，外國常苦災旱，於是方士闢旱，便齋龍，往出賣之，一龍直金

數十觔、舉國會飲以頽其直、乃發壺出龍、置淵中、復禹步吹之、長數十丈、須臾、雨四集矣、見抱朴子

○鹽龍

蕭注從狄煖前之破蠻洞也、收其實貨珍異、得一龍、長尺餘、云是鹽龍、蠻人所豢也、藉以銀盤、中置玉盃、以玉筋、撫海鹽飲之、每鱗中出鹽、則收用、以酒送一七、專主興陽、後因蔡元度就其體、舐鹽而龍死、其家以鹽封其遺體、三四日用亦有力、後聞此龍歸蔡元長家

○龍鱗

武昌熊維麟談其邑因江漲，漂一物如魚鱗於田間，大如席，或曰龍鱗也。

○大鵬

嘉靖中，海上會墜一大鵬鳥毛，萬元獻，親見在某郡庫中。毛以久晝，獨見孔，橫置在地，平步入之，無礙。又海邊人家，忽爲糞所壓，沒從內掘出，糞皆作魚蝦腥，質半未化，蓋大鵬鳥遺糞也。

林尚書潛於內庫，見大鵬翎一枝，長丈許，管中可容兩人坐，公自作記。

○海鵬

正德末、有鳥黑色、大如象、舒翅如船、蓬飛入長安門內、大樹上、弓弩射之、皆不入、民家所養鵝、被啄而食之、如拾蛆蟲然、數月方去、人以爲海鵬也。

○海鳧

晉時、有人得鳥毛、長三丈、以示張華、華慘然曰、此海鳧毛也、出則天下亂。

○海大魚

崇明志、海上有大魚、過崇明縣、八日八夜、其身始盡。

海舟汎琉球、夜見山起接雲、兩日竝出、風亦驟作、撼舟欲覆、衆皆駭惑、舟師搖手令勿言、但閉目坐、久始不見、舟師額手賀曰、我輩皆重生矣、起接雲者、鯨魚翅也、兩日、目也、見使琉球錄

宋高宗紹興間、漳浦海場有魚高數丈、割其肉數百車、至剗目、乃覺轉釐而旁、艦皆覆、近時剗參戎炳文過海岸、於亂礁上見一巨魚橫沙際、數百人持斧、移時僅開一肋、肉不甚美、肉中刺骨亦長丈餘、劉攜數根歸以示人、想皆此類耳、見猶園

南海人常從城上望見海中推出黑山一座高數千尺相去十餘里便知爲大魚矣此魚偶困而失水蜿蜒島上居人數百咸來分割其脂爲膏經月不盡又有貪取魚目爲燈相與攀援騰踏而上其目大可數石計無能取失足溺死於中者同時七人乃止見繪圖

昔人有遊東海者既而風惡船破補治不能制隨風浪莫知所之一日一夜得一孤洲共侶惓然下石植纜登洲煮食食未熟而洲沒在船者斫斷其纜船復漂蕩向者孤洲乃大魚也吸波吐浪去疾如風在洲上死者十

餘人

○ ○ 鱒魚

大街袁六房會網一鱒魚長而極瘦始怪之肚中得一
糙碗蓋爲此物所壓瘦者以此見繪圖

○ 漢泉井中魚

河陰南廣武山漢高皇廟在其麓殿前有八角井曰漢
泉井中三魚一金鱗一黑一如常而半邊鱗肉與骨俱
無獨其首全與二魚竝游無異但其游差緩不復有揚
鬣撥刺之勢俗傳漢皇食鱸庖人治魚及半而楚軍至

倉皇棄魚井中而遁。

○奔鯨

奔鯨一名溺非魚非蛟，大如船，長二三丈，若鮎有兩乳，在腹下，雄雌陰陽類人，取其子著岬上，聲如嬰兒啼，項上有孔通頭，氣出嚇作聲，必大風，行者以爲候，相傳纈頰所化，殺一頭得膏三四斛，取之燒燈，照讀書紡績，輒曉，照歡樂之處則明。

○鯢魚鮒魚

雙槐歲杪，鯢魚出峽中，如鮎，四足長尾，能上樹，天旱輒

舍水上山，茹草葉覆身，張口俟鳥來飲水，因吸食之，聲如小兒將食，先縛之樹，輒之出汁如白汗，乃無毒，鮑魚出四川雅州，似鮓，亦能緣木，蜀人食之，孟子謂緣木求魚，理所必無，不知天壤間正不可窮也。

○人魚

宋待制查道奉使高麗，晚泊一山，望見沙中有一婦人，紅裳雙袒，髻髮紛亂，肘後微有紅鬣，查曰：此人魚，命水工以篙扶於水中，勿令傷，婦人得水，偃仰復身，望查拜手感德而沒。

聞北方有人魚，身白首，北牡交感，與人無異。鯨寡多，取畜池中，未知卽此種否。

○鮎魚

異苑云：鮎魚，凡諸魚欲產，鮎輒以頭衝其腹，世謂衆魚之生母。

○橫公魚

北方荒外有石湖，出橫公魚，夜化爲人，刺之不入，煮之不死，以烏梅二十七，煮之卽爛，可已邪病。

○墨市

南海之濱有鬻市焉。鬻暴背海隅，邊幅廣脩，不知幾百里也。居民眠爲石洲，漸創玆茨，鱗列成市，亦不知幾何時也。異時有穴，其肩爲鐵冶者，天旱火熾，鬻不勝熱，怒而移去，沒者凡數千家。

紅塵中，大都鬻市也。特未遭漂沒，故不知耳。

○在此

太倉董氏嘗捕得一鼈，人首出水，作歎息聲，懼而殺之。按酉陽雜俎名曰在此。鼈身人首，鳴則若云在此，故名之。

○蟹

松江幹山人沈宗正，每深秋，設斲於塘，取蟹入饌，一日見二三蟹相附而起，近視之，一蟹八腕皆脫，不能行，二蟹昇以過斲。

○千侯入蛇腹

上虞徐孝廉計偕京師，與一千侯同舍，蜀人也，貌甚偉，而鱗文遍體，皴如青赤松皮，面有癩痕，隱起，類三當錢大，狀若賴風者然，訊之，具言少年嗜酒，落魄不羈，一日從所親會飲野次，時天色漸暮，歸不及城，便醉臥道傍。

草積間夜半宿醒始醒覺悶甚首如蒙被展轉反側不知身在何所已而捫之微溫嗅之腥不可忍尋思腰間有匕首急抽而割之得肉一臠復嗅之腥甚棄去旋割旋棄如此者凡數十臠漸漸漏明於是悉力以從事俄而此竅漸廣頃之如土穴矣因踡身躍出睨之乃一大蛇也遂驚仆地明日家僮消息至其所見主人與蛇並死於道奔告鄰里急昇歸營救復甦而膚間痒不可耐矣幸遇明醫得不死三月而痒止及起則膚革變色幾類漆身

○神蛇

搜神記蛇千年則斷而復續淮南子云神蛇自斷而自續隋煬帝遣人於嶺南邊海窮山求得此蛇數四至洛下長可三尺而色黃黑其頭錦文金色不能毒人解食肉若欲其身斷則先觸之令怒使不任憤毒則自斷爲三四其斷處如刀截亦微有血痕然久而怒定則三四斷稍稍自相就而連續體復如故隋著作郎鄧隆云此靈蛇類能自斷不必千歲也

○噴嚏驚虎

唐傅黃中爲越州諸暨令，有部人飲大醉，夜中山行，臨
崖而睡，忽有虎臨其上而嗅之，虎鬚入醉人鼻中，遂噴
寤，聲振，虎驚躍落崖下，遂爲人所得。

○ ○ 荆溪三虎

荆溪吳康侯嘗言山中多虎，獵戶取之甚艱，然有三事
可資談笑，其一山童早出，往村頭易鹽米，戲以藤斗覆
首，虎卒搏之，銜斗以去，童得免，數日山中有自死虎，蓋
斗入虎口，旣深，隨口開闔，虎不得食而餓死也，其一，銜
豬跳牆，虎牙深入，而牆高難越，豕與夾牆而掛，明日俱

死其處其一山中酒家一虎夜入其室見酒竊飲以醉甚不得去次日遂爲所擒

○雷虎

近歲有壯士守水碓爲虎攫而坐之碓輪如飛虎視良久士且甦手足皆被壓不可動適見虎勢翹然近因極力嘗之虎驚大吼躍走其人遂得脫

昔人料虎類今人乃吮虎卵乎

○大蝶大蜈蚣

物之瘦者蜈蚣輕者蝴蝶橫南異物志見有物如蒲帆

過海將到舟、競以物擊之、破碎墜地、視之、乃蝴蝶也、海人、去其翅足、稱肉得八十觔、噉之極肥美、葛洪遐觀賦、蜈蚣大者長百步、頭如車箱、唇烈取肉、白如瓠、南越志云、大者其皮可以覆鼓、其肉暴爲脯、美於牛肉、天寶四載、廣州府因海潮漂一蜈蚣陸死、割其一爪、則得肉一百二十觔、

○ 狒狒

物類相感志曰、狒狒出西南蠻、宋建武中、安昌縣進雌雄二頭、帝曰、吾聞狒狒能負千觔、既力若此、何能致之、

對曰，狒狒見人喜笑，笑則上唇掩其額，故可釘之，髮可爲髡，血可染衣，身似猴，人面而紅，作人言鳥聲，知人生死，飲其血，使人見鬼，帝命工圖之。

按狒狒亦名費費，又曰隍陽，被髮反踵，獲人則持其臂而大笑，笑止卽傷人矣。土人截大竹爲筒，絡於項下，納手筒中，狒狒旣笑，則上唇蔽額，人從筒中出手，以釘釘其唇於額上，然後聚衆而擒之。元稹詩：狒狒穿筒格，猩猩置屐駟。

○訛獸

神異記西南荒中出訛獸其狀若菟人面能言常欺人言東而西言隱而善其肉美食之言不真矣。

○貌

狗纓國獻一獸名貌吳大帝時尚有見者其獸善遣人入室中竊食已大叫人覓之卽不見矣故至今吳俗以空拳戲小兒曰吾喚汝已而開拳曰貌。

○山獼

有山獼淫毒異常諸牝避之無與爲偶往往抱樹枯死其勢入木數寸。

○躲破鼓

兵部郎中鄭獅南家、曾養二猿、其牝者甚淫、一旦失牡、猿叫號不已、主人適覓不得、越宿乃自破鼓中出、今號人之避內差爲躲破鼓。

邵震卿曰、臨水登山、僧房道院、皆破鼓也、節慾養生者、不可不知。

非族部 終

雜志部第三十六目錄

勇可習

真主奇微

周尹氏

八字無憑

帝王言命

嶽神戲夢

造化弄人

計二條

惡蟲齧頂

張生失金

奇蹇

嫁娶奇合

趙母奇語

一日得二貴子

醉毆奇禍

世事翻覆

東坡奇夢

投牒自禍

戴探花

晚達

晚娶 計三條

曾偶然

陸奉康

白公裂詩

貧管谷筍詩

一句詩

呂常題畫

李龍眠畫

吳文定書扇

李十八章書

登林奪字

符詔請暑

王準恃寵

都都知

垂柳賜姓

拔河戲

手搏

賭官

打毬賭

徽行

饒州人

勳臣讒語

科舉弊

徐相國善答

講咸丘蒙章

掌院名言

祝瀚批寧府帖

鑪頭會

邊將隱匿

李實

黃慈貴

武廟南巡事

計四條

蕭頰士僕

溫公二僕

計二條

高德基平江事二條

老人貴人婦人八友

世事相反

雜誌部

子猶曰、史傳所載、採之不盡、稗官所述、聞之不盡、客
座所聞、錄之不盡、中流失舫、一壺千金、談諧方暢、詭
笑紛沓、忽焉喙短、詞窮意敗矣、爾時得一奇事、如獲
珍珠船、因不忍遺、置爲雜誌第三十六

○○勇可習

魏杜襲爲西鄂長、劉表攻西鄂時、柏孝長在城中、入室
閉戶、牽被覆頭、相攻半日、稍敢出面、其明側立而聽、二
日、出戶問消息、四五日後、乃負楯親闕、語襲曰、勇可習

也

○真主奇徵

我太祖幼時嘗見羣鷺遊於庭戲以青白二紙旗左右
豎立命之曰青者立青旗下白者立白旗下羣鷺應聲
如命而往一花鷺不知所適往來於青白之間

○周尹氏

周尹氏貴盛五葉不別天饑作粥會食聲聞數里外

○八字無憑

昔趙韓王時有軍校與同年月日時若趙有一大遷除

軍校則一大責罰、小遷轉、則軍校微有譴叱。

○帝王言命

太祖嘗至國子監、有厨人進茶、偶稱旨、詔賜冠帶、有老
生員夜獨吟云、十載寒牕下、何如一盞茶、帝微行適
聞之、應聲云、他才不如你、你命不如他。

○嶽神戲夢

浮碧山之神、惟東嶽最靈、凡以夢祈者、應如響、邑中有
父子同應鄉試者、禱於嶽、以夢示曰、汝往問秦東三孺
人可矣、二人未解所謂、偶下山見一丐婦浣於河間之

曰、秦、棗、三、孺、人、者、爲、誰、其、婦、張、目、咤、曰、汝、奚、問、爲、蓋、此、婦、與、邑、少、年、秦、棗、三、狎、故、有、是、號、忽、聞、其、語、而、心、怪、之、也、二、人、猶、未、悟、對、曰、吾、欲、問、我、父、子、誰、中、其、婦、罵、曰、入、你、娘、的、倒、會、中、其、年、父、果、中、

○造化弄人

萬曆癸未、管明府九臬、始與同儕越公車選、夢神人屬以七題、次早構房間文佳者熟讀之、及入試、七題果符所夢、因信筆以所熟文寫就、不暇構思、自喜得神助、必中矣、乃是年主考厭薄舊文、盡括坊間文入內磨對、凡

同者擲之管以是下第。選授富順令。

莆田一秀才往九鯉湖求夢。夢曰：明日所遇官，卽爾功名。次日遇鍾御史李大參，皆其里人，生大喜，告以故。李曰：學鍾先生。鍾曰：學李先生，皆言當如其官也。後僅以歲薦任教職卒。人始悟爲學中先生。學裏先生云。

○惡蟲齧頂

天順間，徵士吳與弼到京。英宗御文華殿召對，吳默然無應。惟曰：容臣上疏。衆方駭異，上不悅，駕起。吳出至左順門，除帽視之，有蝮在頂，螫皮肉紅腫，方知其適。

不能答者、以整故也。宋淳熙間、史寺丞輪對、適言高宗某事、史忽淚下、上問故、對曰、因念先帝舊恩耳。孝宗亦下淚、明日御批史爲侍郎、不知當時乃爲蜈蚣所齧、故下淚也。嗚呼、均爲惡蟲齧頂、敬君者不遇、欺君者蒙恩、豈非數哉。

○張生失金

嘉靖時、杭人張姓者、自幼爲小商、老而積金四錠、各束以紅線、藏於枕。忽夜夢四人、白衣紅束、前致辭曰、吾等隨子久、今別子去。江頭轉餅家、覺而疑之、索於枕、金亡。

矣、躊躇歎息之、江頭詢韓、果得之、張告韓曰、君曾獲金
四錠乎、韓驚曰、君何以知、張具道故、韓欣然出金示張、
命分其半、張固辭謝、遂出門、韓留觴之、舉一錠分爲四、
各裹餅中、臨行贖之、張受而行、中途值乞者四、求之哀、
各濟以餅一、四乞者計曰、此餅巨而冷、不可食、何不至、
韓易小而熱者乎、遂之韓、韓笑而易之、

○奇蹇

昔淮南盧嬰平生奇蹇、謂至人家、其家必遭橫禍、或小
兒墮井、幼女失火、王休佑所執木手板、得者必不祥、近

雍瞻若野王，多能而貧甚，始客魯，魯人皆避畏之，呼爲耗神。已造一訟者及病者家，二家俱敗死。比至京，京中復聞斯語，會二人博，而雍坐負者傍，或語負者，謂勝者教之，負者怒，毆之，幾死。

○嫁娶奇合

嘉靖間，崑山民爲男聘婦，而男得癩疾，民信俗有冲喜之說，遣媒議娶，女家度壻且死，不從，強之，乃飾其少子爲女歸焉，將以爲旬日計，既草率成禮，男父母謂男病不當近色，命其幼女伴嫂寢，而二人竟私爲夫婦矣，逾

月男疾漸瘳女家恐事敗詒以他故邀假女去事寂無
知者因女有娠父母窮問得之訟之官獄連年不解有
葉御史者判牒云嫁女得媳娶婦得壻顛之倒之左右
一義遂聽爲夫婦焉吳江沈寧菴吏部作四異記傳奇

○趙母奇語

趙母桐鄉令東郡真趙妻頰川趙氏女

嫁女女臨去敕之曰慎勿爲好

女曰不爲好當爲惡耶母曰好尚不可爲况惡乎

○一日得二貴子

楊公某關中盤屋人婦李氏生一子纔七歲公復賈於

閩漳浦主葉氏家，葉新寡，復爲其家贅壻，生一子，冒姓葉氏，亦已三歲，倭夷突犯海上諸郡，略公以去，居十九年，髡髻跳戰，皆倭習矣，後又隨衆犯閩，會閩帥敗之去，而公得遁歸爲彙囚，屬紹興郡丞楊公世道者釐辨之，夷耶民耶，公曰：我關中民也，因道其里族妻子名姓，多與已合，異之，歸以問母，母令再讞，而聽於屏後，不數語，大呼曰：而翁也。起之囚中，拜哭皆慟，洗浴更衣，慶忭無極。次朝，葉公知公得翁，舉羔鴈爲賀，公觴之，翁出行酒，葉公問翁何由入閩，翁言其始末，又與葉公家里族妻

子名姓合，異之，亦歸以問母。其日翁來報謁，藥公觴之，而母竊聽其語，又大呼曰：而翁也。其爲悲喜猶楊丞家。於是閩郡黎老歡忭，呼爲循吏之報。士大夫羔鴈成羣，蓋守丞卽異地各姓，實同體兄弟，而翁以髡跣跳戰之卒，且爲梟囚，一日而得二貴子，兩夫人，以朱轎千鍾養焉。其離而合，疎而親，賤而榮，豈非天故爲之哉。

○醉毆奇禍

甲乙二人俱醉，過於途，甲毆乙仆，視之，死矣，逕去。總甲見之，亟白於官。時已暮，姑以葦席四懸障屍，衆寢衛於

外夜半乙稍寤已迷前事思安得處此必犯夜禁潛起
逸歸及明守者失屍驚懼須臾官來謂受賄棄屍痛加
箠楚守者証服請取屍來乃共往伺於郊一人醉而來
衆前撲殺之昇入葦室而乙方大醒記得曾被甲毆詣
甲喧甲以賄求解比官以殺人捕甲甲邀乙往白官訊
守者屍所來不能諱坐死

○世事翻覆

曹詠侍郎夫人厲氏餘姚大族女始嫁四明曹秀才與
夫不相得此偽而歸乃適詠時詠尚爲武弁不數年以

秦檜之姻黨易文階驟擢至直徽猷閣守郵元夕張燈
州治大合樂宴飲曹秀才攜家來觀見厲服用精麗左
右供侍備極尊嚴語其母曰渠乃合在此中居厚享如
此富貴吾家豈能留歎息久之詠日益顯爲戶部侍郎
檜歿詠貶新州而亡厲領二子扶喪歸葬二子復不肖
家貨蕩析至不能給朝脯趙德光之妻厲之從父妹也
憐其老且無聊招置四明里第養之終身厲間出訪親
舊見故夫壻曹秀才家門庭整潔花木蓊茂謂侍婢曰
我當時能自安於此豈有今日因泣下數行二十年間

夫妻更相悔羞

衛青服役平陽公主家，後爲大將軍，公主化難擇配，
貴顯無踰大將軍者，迄歸之。丁晉公治甲第，鉅麗無
比，楊景宗躬負土之役，後景宗以外戚起家，丁第竟
爲楊有，錢思公治裝，銀工龔美一作劉美實爲之，後龔美
貴，而美所手製皆歸之，王詵爲侍禁三班院，差監脩
主策語同事曰：吾輩辛苦造成，不知誰居此，不踰時，
詵尚主，竟居焉。陸都督炳治第京師，督工甚嚴苦，未
幾，陸敗，工某由外戚貴，卽以陸第賜之，河陽花，今朝

如土昔如霞。武昌柳春作青絲。今作荒。世事翻騰大
都如此。

○東坡奇夢

東坡志林云。予在黃州。夢至西湖上。夢中亦知爲夢也。
湖上有大殿三重。其東一殿。額云彌勒下生。夢中云。是
僕昔年所書。衆僧往來行道。大半相識。辨才海月皆在。
相見驚異。僕散衫策杖。謝諸人曰。夢中來遊。不及冠帶。
○投牒自禍

三山蘇大璋治易有聲。戊午鄉試。夢爲第十一。向人道

之有同經人訴於郡，謂其自許之確如此，必與試官有成約。及將揭榜，第十一名卷果易也。主司既聞外議，乃謀於衆，命以陪卷之首更換。所換者乃大璋卷，而換去者正投牒之人也。衆咸謂天道之公。榜遂定。明年蘇冠南宮。

○戴探花

莆田戴大賓

字寅仲

八歲遊泮，十三中鄉試，十四以探花

登第。亡何卒，其家以喪歸，父母悲甚，必欲發柩省視。及發，乃一白髮叟，大駭異之，棄屍於地，詰責其奴。奴無以

自明其夜大賓曰、叟吾前身也、上帝憫其苦學、白首不第、托生汝家、暫享榮名、以酬吾志、變形者、不忘其初也、父母由是止哀、

○晚達

紹興中、黃公度榜、第三名陳修、唱名時、高宗問年幾何、對曰、七十三矣、問有幾子、對曰、未娶、遂詔宮人施氏嫁之、時人戲曰、新人若問郎年幾、五十年前二十三、鶴林玉露

清暇錄、又謂詹義登科後、解嘲曰、讀盡詩書五六摞、老來方得一青衫、逢人問我年多少、五十年前二十

三、清波雜誌又謂閩人韓楠，未知孰是。

○晚娶

閩人陳嶠，六旬餘始獲一名，還鄉娶儒家女。至新婚，近八十矣，合卺之夕，文士咸集，悉賦催妝詩，咸有生莫之諷。嶠亦自成一章，其末曰：彭祖尚聞年八百，陳嶠猶是小孩兒。座客皆絕倒。

幽州有壇長近八十歲，卽都校之元昆也。每歸俗家，以其衰老，令小青扶持，因而及亂，遂要反。初以青爲偶，乃謂偶曰：平生不謂有此歡暢，悔知之晚。

陳覲五十方娶，有慶之者曰：處士新婚，燕爾答曰：僕久處山谷，莫預出仕，不知衣裙之下，有此珍美。

○曾偶然

泰和曾狀元鶴齡，未樂辛丑會試，與浙江數舉子同舟。率年少狂生，議論蜂出，見曾簡默，因是共舉書中疑義，問之，遜謝不知，竊笑曰：夫夫也。偶然預薦耳，遂以曾偶然呼之。既而衆皆下第，曾獨首榜，乃寄以詩曰：捧領鄉書，謁九天。偶然趁得浙江船，世間固有偶然事，豈意偶然又偶然。

○陸孝廉

長洲陸孝廉世明省試不第歸過臨清鈔關錯認爲商令納稅陸呈一絕云獻策金門苦未收歸心日夜水東流扁舟載得愁千斛聞說君王不稅愁主事見詩驚愧亟迎入款贈甚厚

○白公裂詩

褒令公居守東洛夜宴半酣公索句時元白首唱次至楊汝士楊授筆書曰昔日蘭亭無艷質此時金谷有高人人自知不能加遽裂之曰笙歌鼎沸勿作冷淡生活

文士相妬自古而然。護前者寧獨吳老公。

○貧簷谷筍詩

貧簷谷在洋州。文與可嘗令蘇子瞻作洋州園池三十
詠。貧簷谷其一也。子瞻詩曰：漢川修竹賤如蓬，斤斧何
曾赦箨龍。料得清貧饒太守，渭濱千畝在胸中。是日與
可與妻遊谷中，正燒筍晚食，發函得詩，大笑。

○一句詩

謝無逸嘗以書問潘邠老。大近作新詩否？答曰：秋來景
物，件件是佳致。昨日清臥，聞攪林風雨聲，遂起題壁曰：

滿城風雨近重陽。忽催稅人至，敗意止。此一句奉寄。

○呂常題畫

中山武寧王玄孫徐某，一日與吳小仙孫院使宴飲，命吳畫女樂諸子，及孫吳陪飲之圖。畫畢，徐喜曰：惜欠風流題客。後以屬太常卿呂常曰：不必我諛，但須寫當日實事耳。呂爲製長歌，鋪敘家樂，援引典故，末云：吳生吳生，欲聞揚，自畫白晷居侯旁。如何更著孫思邈。中酒却要千金友。徐大笑曰：是日果中酒也。聞者絕倒。

○李龍眠畫

元祐間、黃秦諸君子在館、暇日觀畫、山谷出李龍眠所作賢已圖、博奕樗蒲之儔咸列焉、博者六七人、方踞一局、骰迸盆中、五皆梟而一猶旋轉不已、一人俯盆疾呼、旁觀皆變色起立、纖穠態度、曲盡其妙、相與歎賞、以爲卓絕、適東坡從外來、睨之曰、李龍眠天下士、顧乃效閩人語耶、衆咸怪請其故、東坡曰、四海語音、言六皆合口、惟閩音則張口、今盆中皆六、一猶未定、法當呼六、而疾呼者乃張口、何也、龍眠聞之、亦笑而服。

○吳文定書扇

吳文定公居憂時嘗送客至門外見賣扇兒號泣於途問之乃緣持扇假寐爲人盜去數事恐家人笞罵耳公命取所遺扇來盡書與之兒不知反以爲汚其扇復大哭不已旁人諭令必得重價然後賣兒持扇甫出門競致去所得數十倍兒歸具道其事再持扇來乞書公但笑而遣之

○李十八草書

宋時有劉十五論李十八草書謂之鸚哥嬌蓋謂鸚鵡能言不過數句大率雜以鳥語十八後稍進以書問十

五、近日比舊何如、十五日、可稱泰吉了矣

○登牀奪字

唐太宗賜宴玄武門、援筆作飛白、衆乘酒、就帝手中相競、常侍劉順登御牀、引手得之、有不得者、言順不敬、宜付法、帝笑曰、昔聞婕妤辭輦、今見常侍登牀

○籍詔請署

安樂公主、中宗最幼女也、嫁武三思子崇訓、光艷動天下、嘗自作詔籍其前、請帝署名、帝笑而從之

○王準恃寵

王拱之子準、爲衛尉少卿、出入宮闈、以鬪雞侍左右、恃寵驕恣、嘗率其徒過駙馬王繇私第、繇望塵趨拜、準挾彈中繇冠上、折其玉簪、以爲笑樂。

○○都都知

咸通中、俳優恃恩、咸爲都都知、一日奏樂、誼譁、上召都都知止之、三十人竝進、上曰、止、召都都知、何爲畢至、梨園便奏、曰、三十人皆都都知也、乃命李可及爲都都都知。

後王鐸爲都都都都統、襲此、○我蘇新入泮者、廣文先生督其贊儀、必分上中下戶、以爲隆殺、近謂上戶未厭。

更立超超戶名色。取贗倍常。超超戶可對都都知。

○垂柳賜姓

煬帝開河成，取吳越民間女年十五六者五百人，謂之
駮脚女。至於龍舟，每綵纜一條，女十人牽之。間以羊十
口。時盛暑，虞世基獻計，請用垂柳栽於汴梁兩堤上。一
則樹根四出，鞠護河堤。二則牽舟之女獲其陰。三則牽
舟之羊食其葉。上大喜，詔民間有柳一株，賣一縑。百姓
競獻之。帝自種一株，羣臣次第種。方及百姓栽，栽畢，帝
御筆賜垂柳姓楊，曰楊柳。

○拔河戲

唐時清明有拔河之戲其法以大麻紐兩頭各繫十餘小索數人執之對挽以強弱爲勝負時中宗幸梨園命侍臣爲之七宰相二駙馬爲東朋三相五將爲西朋僕射韋巨源少師唐休璟年老無力隨紐踏地久不能起上以爲笑

○手搏

唐主存勗嘗與李存賢手搏賢不盡技唐主曰汝能勝我當授藩鎮存賢乃仕唐主及卽位以賢鎮幽州謂曰

手搏之約，我不食言。

○賭官

文海披沙云：宋文帝與羊立保賭，立保勝，遂得宣城太守。陳敬瑄與師立牛勉羅元果以打毬爭三川，敬瑄獲頭籌，遂授節鉞。識者笑之。然偏安亂朝，固不足怪。宋藝祖開寶四年，廷試例以先納卷子爲魁。時王嗣宗與陳識同納卷子，上命二人角力以爭之。嗣宗得勝，遂爲第一。識次之，創業之主，亦爲此兒戲可笑也。

涑水記聞云：嗣宗與趙昌言手

搏角力，恐誤。昌言係太平興國元年胡旦榜第二人。

○○打毬賭

熙寧初神宗與二王禁中打毬子上問二王欲賭何物徐王曰臣不賭別物若贏時只告罷了新法

○○微行

王黼雖爲相然事微考極褻宮中使內人爲市黼爲市令若東昏之戲一日上故責市令撻之取樂黼窘乃曰告堯舜免一次上笑曰吾非唐虞汝非稷契也一日又與踰牆微行黼以肩承帝趾墻峻微有不相接處上笑曰聳上來司馬光黼亦應曰伸下來神宗皇帝

五國城中有此快樂否

○○饒州人

紹興末朝士多饒州人、或謂之曰、諸公皆不是癡漢、是癡漢、饒人不、又有監司薦人以關節、欲與饒州人、或規其當、先孤寒、監司憤然曰、得饒人處、且饒人、

○○勳臣讒語

洪武甲子開科取士、諸勳臣不平、曰、此輩善譏訕、初不自覺、且如張九四、厚禮文儒、及請其名、則曰、士誠、聖祖曰、此名甚美、答曰、孟子有士誠、小人也、之句、彼安知

之 帝自此覽天下所進表箋多羅禍者

○科舉弊

宋承平時科舉之制大弊假手者用薄紙書所爲文揉民、賣、猶、勝、官、賣、成團名曰紙毬公然貨賣

今懷挾蠅頭本其遺製也萬曆辛卯南場搜出某監生懷挾乃用油紙捲緊束以細線藏糞門中搜者牽線頭出之某推前一生所棄擲前一生辨云卽我所擲豈其不上不下剛中糞門彼亦何爲高聳其臀以待擲耶監試者俱大笑

○徐相國善答

世宗好言長生，乙丑會試題，夫政也者，蒲蘆也。又民之秉夷，好是懿德。上問輔臣：蒲蘆是何物？夷是何義？徐階對曰：夷是有恒之義，蒲蘆是長生之物。

○○講咸丘蒙章

嘉靖初，講官顧鼎臣講孟子咸丘蒙章，至放勳殂落語，侍臣皆驚。顧徐云：堯是時已百有二十歲矣，衆心始安。

○掌院名言

國初一上舍任左都掌院，羣僚忽之，約二三新差巡按

者請教掌院者厲聲云。出。去。不。可。使。人。怕。回。來。不。可。使。人。笑。羣屬凜然。

○祝瀚批寧府帖

逆濠有鶴帶牌者。民家犬噬之。濠牒府欲捕民抵罪。南昌守祝瀚批曰。鶴雖帶牌。犬不識字。禽獸相爭。何與人。事。

○鍤頭會

國初惡頑民竄入緇流。聚犯數十人。掘泥埋其身。十五竝列。特露其頂。用大斧削之。一削去頭數顆。名鍤頭會。

後因神僧示化，屢錫復生，遂罷斯會。

僧家奸惡，不可枚舉。近日吾蘇葑門外，有鄉民於所親借銀三兩完官，適是日官冗，免比限，民姑以銀贖。將還所親，偶爲同行相識者述之。時天已暮矣，忽見有挑包客僧隨其後，意彼已竊聞，然猶未甚疑也。既出城里許，同行者別去，顧僧猶在後，心稍懼，復里許，新月慘淡，回首失僧，詳視乃在井亭中解衣，民懼甚。前有石橋，急詣橋下自匿，微窺之，見僧裸體持鐵篋，捧疾馳上橋，左右視，大聲曰：何處去了，復下橋前馳。

民潛出退走、至井亭、見僧包裹衣服作一堆、度僧去遠、急束縛負之而趨、從他道直走閭門、就飯店宿、取酒痛飲而臥、黎明、聞街前念佛聲、云夜來被劫、乞布施、僧衣遮體、牕隙窺之、見裸體者、卽所遇僧也、解其包、有白金二十兩許、民伺僧去、潛攜歸焉、嗚呼、如此惡僧、人那得知、那得不錐頭。

○邊將隱匿

各邊以太宗有旨、虜入殺人五名以上、虜畜產九頭以上、邊將皆坐死、遂相與隱匿、人畜死亡至千百者、皆

云四人八頭。

○○李實

成化中、開住右都御史李實以進房中秘方行取至京、
試不驗、遣歸、實上疏謂忽召忽遣、不知其故、詔始與
致仕、

分○明○紫○皇○帝○火○圖○

○黃慈貴

武宗在宮中、偶見黃慈、實氣促之作聲爲戲、宦官遂以
車載進御、慈價陡貴數月、

朝廷一舉一笑不可輕易如此。

○○武廟南巡事

武宗南巡過淮安謂孟都御史鳳曰汝非一乳二子而竝顯者耶。兄麟官至方伯以網命之漁鳳舉網奮張僅如一笠帝曰官許久尚不解漁耶。

武廟南巡時蔣瑤爲揚州守不肯橫斂以媚權幸一日上捕得大鯉謀所鬻者左右正欲中公曰莫如揚州知府宜上乃呼而屬之公歸括女衣并首飾數事蒲伏而進曰魚值無所取惟妻女衣妝在焉臣死罪死罪

上熟睨之曰、汝真酸子耶、吾無須於此、其亟持鱖魚亦
不取值矣

江彬誘 上親征寧王、駐蹕南京、往牛首山打虎、後湖
網魚、得蝦蟆、一內侍諛曰、此值五百金、上曰、汝買之。

武廟嬖南院一妓、每行必從、百官咸賄以求媚、一日

上侵晨從外入、妓翁尚臥、擁被欲走匿、上從其旁疾
趨、曰、免起、已而上去、少選、忽聞門外鼓吹聲、乃都察
院送扁至、金書免起堂三字。

○○蕭穎士僕

蕭穎士該通三教、性褊無比、常使一傭僕杜亮、每一決責便至力殫、亮養瘡平復、爲其指使如故、或勸之行、答曰、豈不知、但慕其博奧、以此戀戀不能去耳、世間憐才者何人、此乃僕隸之不如也、

○○溫公二僕

司馬溫公家一僕三十年、止稱君實秀才、蘇子瞻學士來謁、聞而教之、明日改稱大參相公、溫公驚問、僕實告公曰、好一僕、被蘇東坡教壞了、

溫公一日過獨樂園、見創一廁屋、問守園者從何得錢、

對曰積遊賞者所得公曰何不畱以自用對曰只相公
不要錢

○高德基平江紀事二條

嘉定近海處鄉人自稱曰吾儂我儂稱他人曰渠儂你
儂問人曰誰儂夜聞有叩門者主人問曰誰儂外客曰
我儂主人不知何人開門方認乃曰却是你儂後人因
名其處爲三儂之地

誰儂我儂此等問答可已蘇人途中相遇問者曰何
往答者曰在此間此等套語亦最可厭白獺隨載行

都語言無實如語年甲則曰本末語居止則曰在前
面語家口則曰一筌牙齒語仕祿則曰小差遣行都
謂臨安也

吳人自相呼爲猷子又謂之蘇州猷每歲除夕羣兒繞
街呼叫云賣癡猷千貫賣汝癡萬貫賣汝猷見賣儘多
送要除隨我來

近日蘇州不聞此語杭人開口曰某猷豈猷有運已
自蘇而沈耶

○老人貴人婦人八反

老人貴人婦人各有數反。夜不臥而晝睡。子不愛而愛孫。近事不記而記遠事。哭無淚而笑有淚。近不見而遠却見。打却不痛。不打却痛。面白却黑。髮黑却白。如廁不能蹲。作揖却蹲。此老人八反也。夜宜臥而飲宴。早當起而高臥。心當逸而勞。身當勞而逸。當使錢處不使。不當使處却使。無病常服藥。有病却不肯服藥。人未做時爭做。人肯做時却不做。請人必欲人來。人請却不肯去。買賤物不嫌貴。買貴物必要賤。美妻妾不甚愛。平常侍兒却愛。此貴人八反也。不愛長子而愛少子。不愛子而愛

女不信人而信鬼。惜小錢而不惜大錢。爲姑時定怨嫂。爲嫂時却嫌姑。最忌諱。却最呪咀。最怕不到老。又最怕人說老。丈夫舉動。最善防閑。丫鬟淫奔。却不介意。此婦人八反也。

○世事相反

今世人事亦有相反者。達官不憂天下。草莽之士憂之。文官多談兵。武官却不肯廝殺。有才學人不說文章。無學人偏說。富人不肯使錢。貧人却肯使。僧道茹葷。平人却多持素。閭閻會飲。却通文。秀才却處幽。有司官多裁。

豪鄉宦却把持郡縣官愈尊則愈言欲退休官愈不達
則愈自述宦蹟。